


iritzia

gaurko...

...elkarrizketa



Josi Zudaire

• GIPUZKOAKO OSPITALEZ
KANPOKO PEDIATRIA SAILEKO
LEHENDAKARIA •

«Gaixotasun psikikoa duten haurren erdiek portaera arazoak izaten dituzte»

Hainbat pediatrik egindako
ikerlanaren arabera, haurren
%10ek arazo psikikoak
dituzte.

■ Zeintzuk dira haurren arazo psikiko ohikoe- nak?

Ohikoena portaeran deso-
rekak izatea da, maiz ol-
darkor jotzea eta kaske-
tak hartzea. Kasu batzuk
larriagoak dira, gurasoen
eta irakasleen aurka egite-
ra jotzen baitute. Muiltzo
horretan, gaixotasun psi-
kikoa duten haurren er-
diak daude. Estutasuna
da bigarren gaixotasun
ohikoa, eta bi horien atze-
tik, geldi egon ezina duten
haurren arreta jartzeko
arazoa dago. Bulimia, au-
tismoa... gutxiago izaten
dira.

■ Zein faktorek dute era- gina?

Arrazoi genetikoak, per-
tsonalak, familiarrak izan
daitezke. Bizi den inguru-
neak ere eragina izan de-
zake, baina ez dago kausa
zehatzik, kasu bakoitzak
bere faktoreak baititu.

■ Ondorio garbirik atera- al da ikerketatik?

Ikerketa Euskal Herriko
haurren artean gaixota-
sun psikikoak zenbatek
dituzten aztertzeke egin
dugu, orain arte ez baiken-
kien. Gainerantzeko he-
rrialdeen batez bestekoe-
tan gaudela ondorioztatu
dugu; beraz, ez da datu
kezkgarria.

Ekaitz Agirre
DONOSTIA

...esaera

«Euskaldunaren desgraziarik handiena bere aberria ez ezagutzea da» **Sabino Arana**

...balkoia

Martxora bitartekoa hasi baino ez da egin

• MARTXELO OTAMENDI •

Martxoko *sindromea* deitu beharko diogu martxora bitartean euskal politikak izango duen gaitzari. Eta *Labanen dantz*a Espainiakoari. Aznarren gobernuaren lehen hauteskunde errebalidara martxorako edo apirilera deituko dute, eta ordura bitartean edozein metodok balioko du Moncloako aulkiaz jabetzeko. *Lasa eta Zabala kasuaren* epaiketarako eguna jartzearekin hasi zen atzera-kontua. Martxoko hauteskunde aurretik jartzea —alegia, epaiketak kanpainarekin bat egitea— sozialisten kalterako izan zitekeen, eta popularren mesederako. *Lasa eta Zabala kasua* sozialisten hasiera garaikoa baitzen. Egia esan, Lasa eta Zabala, Galindo tartean dela, Estatu afera da, baina sozialisten garaikoa, gero GALEkin segida izan zuena. Horregatik da esanguratsua epaiketa hauteskunde aurretik jartzea, eta ez, sozialistek nahiko luketen bezala, ondoren.

Hasiera atzeratzen ez bada, luze jotzea espero denez, epaiketaren punturik gorienak bat egin lezake kanpainarekin. Entzutegi Nazionaleko joera popularreko epaileek Aznarri egindako mesedea da, dudarik gabe. Europako azken hauteskunde emaitzek aspaldi galduta zeukan konfiantza berriro eskueran jarri diote PSOeri, baina, horretarako, interferentzia judizialik gabeko aldia behar dute. Eta hurrengo hilabeteetan Lasa eta Zabala alde bate-tik, eta diru ezkutuen afera bestetik, oso maiz egokituko zaigu sozialisten jarduna epaitegiekin lotuta ikustea. Atzeko musika horrekin, oso zaila da

edozein aktorearentzat hauteskundeak irabazteko ahaleginean kontzentratzea. Kanpainako mitinetan arerio politikoei erantzun beharrean, epaiketetan akusazioek, lekukoek, peritoek eta fiskalek esandakoari erantzun beharko diote.

• Garzon-Gorena

Gonzalezen etorkizuna argitzeko balio izan du Espainiako Gorenak Garzonen autoari emandako erantzunak. Batzuek, Gorenaren ebazpenean, Gonzalez behin betiko bakean uzteko *agindua* ikusi dute. Agindua diot denok jabetu ginelako zein azkar —bi ordu besterik ez zuen behar izan erantzun zirt-zartekoa emateko— hartu zuen Gorenak erabakia. Gorenaren erabakiaren atzean dagoen mezuari errazago igartzen zaio, Garzonen autoaren benetako helburuari baino. Ez gara horren inozo izango pentsatzeko Garzonek ez zuela aurreikusitako Gorenak emango zion belarrondo-koa. Zergatik igorri orduan auto hori?

• Barrionuevo, Vera eta Corcuera berri agentzia

Produktibitate eskaseko agentzia da BVC, Barrionuevok, Verak eta Corcuera sortu eta osatua, baina teletipoak pizten dituen aldiro dardarka jartzen dute *Corte*a. Diru bereizien sumarioan daude hirurak eta, txipiroiak bezala, tinta beltza botatzen ari dira, batera eta batera. Azken zipriztina Espainiako Errege Etxeraino iritsi da. Hirurak kon-turatu dira sozialistak higitzeko hauteskunde tresna bihurtu direla, ondorioz, gero eta gehiago oztopo direla alderdiarentzat.

...pertsonaiak



XABIER ISASI • EHUKo irakaslea dugu UEUko zuzendari berria. Elkarteari bultzada eman nahi diola adierazi digu, atzo Miarritzen egindako batzarren ondoren.



OMAR HASSAN • Autodeterminazio eskubidea onartu dio Sudango presidenteak hegoaldeari. Sudango guda zibilari amaiera emateko tresna politikoa eratzea hitzartu dute bi aldeek.



PAKO ARANBURU • Gizarte Eskubideen Agiriaren aldeko Plataformako ordezkaria da. Euskal gizarteak martxari erakutsitako elkartasuna nabarmendu du.

...datua

%58 unionistak baiezkota eman zioten, atzoko UUPren batzarrean, Ipar Irlandako bake prozesuari. Erabakia, hala ere, behin-behinekoa da.

...adierazpena

«Ez nago ados EAJren espetxe politikarekin; politika hori erabili egin behar dela, horretan bakarrik gaude ados»

•
Joaquín Almunia
PSOEko idazkari nagusia

... seiko urrea

PAKO GARMENDIA

2010



ak, askotan, datozen hauteskunde egutegitik harutza ezer ikusten ez dugula.

Bai, bai! Hamar urte barru zer? Zer-nola-ko herrigintza nahi dugu hemendik hamar edo hoge urtera?

Ziur nago horrelako galde-
ra egiteak haserre bizian jarri-
ko duela asko eta asko. «Gaur
bertakoak garbitu gabe ditugula,
nola arraio hasiko gaituk,
ba, etzidamuko kontuez
kezkatzen?». Horrelatsu eran-
tzungo didanik izango da.

Baina, agian, horrela eran-
tzun lezakeenak hoge urte-
tan ordaintzeko kredituren
bat ateratzeko asmorik izan
du edo jubilatzen denean zen-
bateko pentsioa jasoko duen
galdetu dio norbaiti.

Sarritan iruditzen zait nor-
bere bakoizkako bizitzari be-
girakoak baino laburragoak
ditugula herrigintzarako epe-

galderaz aparte,
erantzunik ere eman
zen.

Eta ardatz nagusi
batean bat etorri zi-
ren Ibarretxe lehen-
dakaria eta Jose An-
tonio Garrido jauna,
BM-30 bazkuneko burua: Bil-
bo eta Euskadi epe ertainera
eta luzera aurrera ateratzeko
giltzarrietan oinarritzakoa,
herrikideon nor izateko gaita-
suna, batez ere *ezagumena*
eta *berrimena*, izango dira.

«Aldaketa giroan bizi gara.
Herrialde aurreratuak izanbi-
de berri baten bila ari dira.

Ezagutzaren gizartea lidera-
tzeko gai diren herriena izango
da etorkizuna».

Datozkigun aldietan, gero
eta erabakigarriagoak gerta-
tuko dira herrigintzarako he-
rrikideen ezagumena eta be-
rrimena, baita jokamena ere.

Esparru horietan aurrera
egin nahi badugu, hamar eta
hogei urteka pentsatu eta egu-
noro saiatu beharrean gaude.

2010. Hamar urte asko da.
Baina epe laburra da, herriki-
deon *ezagumena* eta *jokame-
na* mundu mailan nor izateko
eran indartu nahi baditugu.
Eta horietan indartsuago
bagara, gauza izango gara
euskalerrigintza sendotzeko.
Eta herria sendotu ustetan,
haiek galtzen baditugu, herri
egiturek ez gaituzte salbatu-
ko.